

02 FEB 1999

PERSIDANGAN A/BANGSA BINCANG PERSEDIAAN KELUARGA HADAPI ALAF BARU

KUALA LUMPUR, 2 Feb (Bernama) -- Malaysia akan menjadi tuan rumah persidangan antarabangsa mengenai kekeluargaan dan persediaan menghadapi alaf baru pada April ini.

Menteri Perpaduan Negara dan Pembangunan Masyarakat Datin Paduka Zaleha Ismail berkata persidangan lima hari itu dijangka dihadiri 1,000 orang dari dalam dan luar negara.

Persidangan bertema "Cinta Murni dan Keluarga Sejati: Keadaan Penyatuan Sejagat" bertujuan berkongsi pengalaman antara negara-negara dalam penyelesaian masalah kekeluargaan dan masalah sosial pada alaf akan datang.

Katanya Malaysia dalam persediaan ke arah itu telah mengadakan persidangan peringkat kebangsaan di beberapa negeri sejak Mei 1997.

Bayaran pendaftaran ialah RM500 bagi setiap peserta dan mereka yang berminat boleh menghubungi Women For Family Welfare Promotion (Malaysia) (WFWP) melalui telefon 03-7771441 atau 03-7738141 atau faksimili 03-7775173.

Zaleha juga berkata pihak penganjur sangat mengharapkan sumbangan sama ada berupa kewangan atau penajaan daripada sektor korporat dalam menjayakan persidangan antarabangsa itu.

Katanya, Perdana Menteri Datuk Seri Dr Mahathir Mohamad telah menyatakan persetujuan untuk merasmikan persidangan itu yang dijangka pada 15 April.

-- BERNAMA

NZ NMO